

元明事類鈔

元明事類

總校官知縣臣繆琪

校對官中書臣李斯咏

謄錄監生臣王栻

欽定四庫全書

元明事類鈔卷三十九

監察御史姚之駟撰

鱗介門

龍

龍出井 元史順帝時太子寢殿後井中有龍出光焰

爍人

玉虬殼 元氏掖庭記大德間尾洒夷於清源洞得一

物皮薄可照玉色愛人或紅或綠暑月對之涼氣自生遣人貢之有一胡僧曰此斑花玉虬殼也

穴地出 元通鑑至元十四年春大雨羣龍皆穴地變化而出者無數識者知為天發殺機也

龍壇 范梈龍壇記延祐元年旱禱之龍壇雨三日乃以樂龍之章俾世世歌以承祀

龍挂 輟畊錄至正乙未秋攜李東馬橋上白龍挂盲風怪雨壞民居五百餘所大木盡拔溪水直立不一

年其地為戰鬪之所

卵如頷珠 虞集龍卵詩入眼圓如頷下珠也知靈物

化生殊

祀龍絲 元史順帝時天雨鼈京師長尺許或言於帝
曰龍絲也命拾而祀之

得龍首 明紀事本末潘季馴築高家堰成一夕黃浦
涸得龍首以獻其大專車時以比龍首渠云

對應龍 玉堂叢話景陵閱畫見龍有翼而飛者遣問

之閣中史官陳繼對曰龍有翅而飛曰應龍詳見博物
龍姑朝 談薈俞震齋精於符籙一日有老媪謁曰某
山龍母也行雨失律却在日午望相救俞曰能幻形
小之乎媪作蜿蜒俞取投盂中覆以令牌湏臾風雷
迭擊過午乃息龍出仍化為媪曰他日祈雨當効力
於是每六月初旬有暴風疾雨由南而北人謂龍姑
朝俞云

龍卵 懸笥瑣探成化五年河決杏花營有一卵浮於

河大如人首下銳上圓質青白微具五色以手撼之
汨汨作水聲或曰此龍卵也元珠占法江湖見龍卵
主大水

龍有欲 明紀事本末徐有貞治河築一決口下木石
則若無者怪之叩一山僧僧徐曰聖人無欲有貞沉
思竟日悟曰僧言龍有欲也此有龍穴吾聞龍惜珠
當有以制之鐵能鎔珠乃鎔鐵數萬斤沸而下之龍
從而決口塞

龍墳 湧幢小品龍墳在秀水縣永樂間村氓往往得
龍骨貨之問有龍角否曰有時左璫方採珍異遂檄
縣往掘之初入見有狀如金剛神者數輩俄見風化
盡惟餘骨耳遂得龍角齒牙凡數十艦獻於朝

龍奴 明朱秉器楮談雲南山澗多潛龍昆明有烏龍
潭元時僧阿咱爾能降之龍化為青衣童子隨僧住
坐呼為龍奴農負樵汲無不聽命數年龍苦之竊數
珠逃去

猪婆龍 雲濤小說金陵上清河一帶善崩明太祖患
之皆云猪婆龍窟於下故耳時工部欲聞於上然疑
猪犯國姓輒駕稱大白龜為害上惡同元字命漁者
捕之殺龜幾盡金陵人乃作語曰猪婆龍作殃癩頭
元龜頂缸

真龍傳神 吳寬題宣廟畫龍詩所翁好龍非好真真
龍自為龍傳神

魚

獺獻魚 元史胡光遠母喪廬墓一夕夢母欲食魚晨起將求之見生魚五尾列墓前隣里方聚觀見有獺出草中浮水去知是獺所獻

天隕魚 輟畊錄至正中上海縣牧羊兒聞頭上恰恰聲仰視之流光中隕一魚長僅盈尺是日晴無陰雲亦無雕鸛之類是可怪也或曰志有云天隕魚人民失所之象

魚千斤 元史類編納延故地素產魚世祖命立城名

曰肇洲以劉哈喇為宣慰使一日得魚九尾皆千斤
遣使來獻

水水魚 元戴表元詩水水魚肥供白鮓

魚苗 元食貨志額外課有漆課柳課竹葦課魚苗課
鯉躍舟 元史龐遵母病思食魚求之市不得歸途嘆
恨忽有鯉躍入其舟作羹以獻

鏤晶養魚 元氏掖庭記雅克特穆爾於第中起水晶亭
亭四壁以水晶鏤空貯水養五色魚剪綵為白蘋紅

蓼置水上

魚秧 陶宗儀詩徑分黃菊本池種白魚秧

鮫卵兼斤 楊維禎詩鮫卵兼斤傳海上鮫人一尺立

階前

鯉三十五 明興禕記帝潛龍時漁于川一日獲鯉三十五有陳四者來戲以魚罩罩聖躬竟竊其五及即位一日問劉誠意享位幾何對曰以數言當三十有五又其間五歲假之他人上忽思竊魚事其數允合

召陳至將殺之因述漁事上曰吾忘之為何地陳曰
烏龍潭也上曰吾鄉焉有此陳曰臣嘗于此罩烏龍
故名也上喜其對釋之後洪武之紀并革除年果符
其數

獻鰣 湧幢小品葛原以布衣詣闕獻鰣魚百尾時高
皇法嚴衆為危之及至乃大悅問之曰魚美何如對
曰魚美但未進不敢嘗耳又大悅賜一尾還之其後
歲貢九十九尾著為令

禱江得鮓 王堂叢話董璘為編修以母老歸養母病思鮓魚時無鬻者即詣鎮江禱於神命漁人舉網忽得一鮓以歸

魚腹字 耳談隆慶中京師顯靈宮道士買一魚腹有秦白起三字

昂頭鱖 獻徵錄張曷知鉛山民有食鱖忽死者皆疑其妻殺之械繫逾年公至恍惚有綠袍烏巾者語曰吾某鄉土地民某本中鱖毒而殂非婦罪也公欲驗

之但置鱔於水昂頭出二三寸者必殺人言訖不見公如言得昂頭鱔以死囚試之婦寃遂白

巨魚促值 四友齋叢說武皇在揚州釣得巨魚顧江彬戲曰此值幾何彬曰五百金時知府蔣瑤不佞權貴遂請以魚畀即促價值甚急公乃脫夫人簪珥及綈絹服負進以償上大笑曰酸儒去耳

日食蒸餅 紫桃軒襍綴正德中南城金魚日食蒸餅白麵二十斤

覓魚嫌 李夢陽集于謙死人咸驚而疑而涕泣語曰
鷺鷥冰上走何處覓魚嫌

聽魚聲 海味索隱黃魚一名石首土人從小滿節候
黃魚散子在海洋中魚貫串若山而過商人倩魚師
聽魚聲乃報有幾里云因舉網或得千萬頭或空不
得吳偉業詩採鮮諸俠少打鼓伐藏冰五月三江去
千金一網能

飛魚 明孫作集暨人航海得飛魚於黑水洋其長二